

ցունք ումանք որ ոչն հնազանդէին, անարգեալ զնա՝  
 զայլ ոմն անդէն ի հանդէսն աւագերէց՝) հաստատէին,  
 և զվեց եկեղեցոյ միափերթ կնիքն ի ճակատ թղթին  
 երեկեցուցանէին: Եւ պատճենն թէ Համայն քահանայք  
 և աթոռակալք և երեսփոխանք և իշխանք վեց եկե-  
 ղեցոյ քաղաքիս ի մի վայր ժողովեալ, ուխտ և դա-  
 շինս արարեալ, հոգով և մարմնով կանգնեալ վասն  
 Թուժայ հերձուածողի, զի զչարութիւն նորին ի կա-  
 ռափ նորա հարկանիցեմք, և թէ՛ ըստ այսմ որքան  
 ըստակ երթայ, թէ շատ թէ քիչ, և մեք վերոյ գըր-  
 եալքս քէֆիլ եւ երաշխաւոր եմք: Եւ յետ աւուրց  
 բազում երթեւեկութեամբ առ Աստուածատուր վար-  
 դապետն թէ՛ Վասն քս եւ վասն Սուրբ Տանն է ջան  
 մեր, դու ևս կնքով ընդ թղթոյն հաղորդեաց ընդ մեզ:  
 Եւ նա կնքով գրեաց՝ Վասն այս բանիս այնքան աշ-  
 խատեցայց, մինչև վճարեցից զսոսա ի պարտուց:

Եւ ոմանք ի նոցանէ երեւելիք էին առաւել, որ յե-  
 րիվարս չարին արշաւեալ այնքան, մինչև յղձանաց  
 իւրեանց հասին որպէս և կամեցան, բայց յետոյ ան-  
 կեալ յերիվարաց՝ բեկեալ ջարդեցան ամենայն ոսկը  
 նոցա: Հանելով զերկիւզն Աստուծոյ ի սրտից իւրեանց,  
 մուռնալով զգատաստանն Աստուծոյ և գրան նորա  
 թէ Զայր արինահեղ պիլծ առնեմ, և թէ Որ սրով  
 (պարտ) սրով անկցի, և թէ Որ հեղու վարիւն մարդոյ՝  
 փոխանակ եւ հեղցի արիւն նորա, եւ թէ զՄի՛ սպա-  
 ներն, եւ զայլ օրէնս եւ զմարգարէս զառաքելականս  
 եւ զհայրապետականս: Նմանեցին այնոցիկ որք զա-  
 ռաջնորդս եւ զհայրապետս սպանին պէս պէս նախա-  
 տանօք, յորոց արարմանց բարկացեալ՝ տայ զիշխա-  
 նութիւն եւ զթագաւորութիւն այլ ազգաց. օտարք  
 կերեալ զվաստակս մեր առաջի աչաց մերոց, ի թըշ-

1) աւարերէց.